



Broj: 01-11-2-419/26-8
Konjic, 18.03.2026. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH" broj: 39/14, 59/22 i 50/24), Preporuke komisije broj: 10-11-2-419/26-6 od 17.03.2026. godine, u postupku javne nabavke "*SANACIJA TEMELJA I STUBOVA STAROG MOSTA U GLAVATIČEVU*", a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik *donosi*

ODLUKU o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 10-11-2-419/26-6 od 17.03.2026. godine i ugovor za javnu nabavku radova „*SANACIJA TEMELJA I STUBOVA STAROG MOSTA U GLAVATIČEVU*“ **dodjeljuje se ponuđaču** „GPI“ d.o.o Konjic, Trešanica 61, 88400 Konjic, ponuda broj: 11-378.3/26 od 10.03.2026. godine, za ponuđenu cijenu u iznosu od 114.000,00 KM bez PDV-a, odnosno 133.380,00 KM sa PDV-om, kao najpovoljnijem ponuđaču.

Član 2.

Izabrani Ponuđač dužan je, nakon prijema Odluke o izboru najpovoljnijeg ponuđača, dostaviti originalne ili ovjerene kopije dokumenata kojima dokazuje ispunjavanje uslova kvalifikovanosti na protokol ugovornog organa u roku od pet dana od dana prijema Odluke o izboru najpovoljnijeg ponuđača. Dokazi trebaju biti čvrsto uvezani u cjelinu, tako da nije moguće naknadno umetanje i vađenje listova.

Član 3.

Za izvršenje ove Odluke zadužuje se Služba za zajedničke, stručne i inspeksijske poslove.

Član 4.

Ova odluka objaviće se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-11-2-419/26-1 od 12.02.2026. godine.

Javna nabavka je provedena putem *otvorenog postupka*.

Procijenjena vrijednost javne nabavke bez PDV-a je 114.000,00 KM.

Gradonačelnik je Odlukom o imenovanju komisije broj: 01-11-2-419/26-2 od 18.02.2026. godine, imenovao Komisiju za javnu nabavku i zamjenske članove za nabavku predmetnih radova.

Na osnovu obavještenja o nabavci broj: 637-1-3-20-3-39/26 objavljenog na Portalu javnih nabavki dana 17.02.2026. godine i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda.

Javno otvaranje ponuda izvršeno je 10.03.2026. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-419/26-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: 1 (jedna);

Pristigle su ponude sljedećih ponuđača:

1. „GPI“ d.o.o Konjic, Trešanica 61, 88400 Konjic;

- da su blagovremeno zaprimljene ponuda,
- da je broj neblagovremeno zaprimljenih ponuda: 0 (nula),
- da je ponuda ponuđača „GPI“ d.o.o Konjic, prihvatljiva, dostavljeni su svi traženi dokumenti u skladu sa zahtjevima iz tenderske dokumentacije,

Nakon izvršene analize i ocjene ponuda kvalifikovanih ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 22. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	„GPI“ d.o.o Konjic	114.000,00 KM

Tačkom 39. tenderske dokumentacije predviđeno je provođenje e-aukcije. Međutim, u skladu sa Pravilnikom o uslovima i načinu korištenja e-aukcije (“Službeni glasnik BiH” broj: 80/23) u slučaju samo jedne validne ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama.

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač „GPI“ d.o.o Konjic, na osnovu čega je jednoglasno dala Preporuku rukovodiocu ugovornog organa broj: 10-11-2-419/26-6 od 17.03.2026. godine, da se ugovor za javnu nabavku radova „*SANACIJA TEMELJA I STUBOVA STAROG MOSTA U GLAVATIČEVU*” dodijeli ponuđaču „GPI“ d.o.o Konjic, koji je dostavio najbolje ocijenjenu prihvatljivu ponudu.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od deset (10) dana, od dana prijema ove odluke. Žalba se izjavljuje KRŽ-u putem ugovornog organa u pisanoj formi direktno, elektronskim putem, ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku

Pripremio: *Semir Hajduk*

Kontrolisao: *Nedžad Ramić*



GRADONAČELNIK

Osman Čatić

Dostaviti:

1. Gradonačelniku,
2. Ponuđaču,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i pravne poslove,
- ⑤ Službi za zajedničke, stručne i inspeksijske poslove (*WEB Grada*),
6. A/a.

